



戊集第四卷

長

長沮桀溺耦而耕昔家長息問公明高

長

長弘周大夫仕靈王三朝為

長

弘蜀人死於蜀藏其血三年化為碧

出長弘之血又見春秋左氏哀十三年

長總唐大曆年奉天尉

長從簡陳州人善禦晉軍校從唐莊宗攻城為梯頭以功

授步軍指揮使莊宗與梁對壘梁軍前一執大旗者

勇而長從簡馳奪旗謀而還中矢入髀鑿骨以取

言笑自若入晉歷忠武武寧兩鎮節度使左金吾衛

上將軍卒五代史

梁

安定 天水 周平王封中子唐於夏陽梁山曰梁

伯秦莧梁子孫奔晉以國河南 氏漢複姓十二氏

保寧性

長息問公明高

為

宋

晉

安定烏程縣漢和帝以豪族自河東徙烏氏

春秋梁丙晉梁益耳梁弘梁由靡

梁鱣字叔魚孔子弟子家語云齊人史記世家贈梁伯封

千乘侯

梁丘據齊桓公嬖臣左傳昭公二十年

梁丘賀字長翁受易京房漢宣帝甘露年圖像十一人麒麟閣梁丘賀與西漢儒林傳

梁鴻字伯鸞家貧博學尚節介牧豕上林苑失火延燒他舍悉承償之過京師作五噫曰陟彼北芒兮噫顧覽

帝京兮噫宮室崔巍兮噫人之劬勞兮噫遠遠未央兮噫孟光字德耀無容有德年三十不嫁父母問對

曰必賢如梁伯鴻者乃可鴻聘焉光肥黑而醜力舉石臼作布衣屨織筐緝績具入門七日而鴻不答光

跪曰聞夫子高義簡斥數婦而妾亦偃蹇數夫矣今不答請罪鴻曰吾欲表褐俱隱光衣隱服椎髻布衣

鴻曰真梁鴻妻俱入霸陵山耕織春貸鴻歸光具食

舉按齊眉後漢

梁統漢光武太中大夫論律令蘇軾曰統重刑一語得罪

于天其子松竦俱死非命而冀以滅族 梁竦字叔

敬登高望遠漢曰大丈夫生當封侯死當廟食不然

間居可以養志詩書足以娛州縣之暇徒勞人耳女

為章帝貴人主皇子肇實后養為子敬專名外家乃

陷竦死獄中梁貴人憂死肇即和帝位封竦三子列

侯

梁冀父商封乘氏忠侯順帝令河南尹襲封乘氏侯拜大

將軍其弟侍中不疑為河南尹冀一門七侯三皇后

六貴人二大將軍夫人女食邑封君者七人尚公主者三人鄉將尹校五十七人執國柄二十年威行中外質帝目冀為跋扈將軍冀令左右置毒煮餅以進張綱劾奏不能去延熹二年具瑗單超等共誅冀收其家財合三十餘萬萬後漢

梁琛仕北燕為侍郎兄奕符秦尚書郎琛自燕使符秦至長安符監畋於萬年畝見琛曰秦使至燕居臣朝服見今燕使至秦乃野見之不見堅為行營儀見館琛奕舍琛曰昔諸葛瑾仕吳聘蜀與亮唯公朝相見退不私面今令耶安私室使臣不敢奉命奕問東國事琛曰今言東國之美恐非西國所樂聞言不美失使臣體勿問之秦破燕琛係獄王猛以為記室北使梁氏女有姿容晉石崇為交趾采訪使以明珠三斛買為

妾名綠珠

梁彥光字脩之七歲父病篤醫曰五石可愈無紫石英彥光仰天號呼忽得一石光采異持問醫即紫石英父愈彥光擢岐相州刺史發姦擿伏如神州境治有嘉禾連理木之祥奏課天下第一隋史

梁毗字景和西寧刺史蠻俗好金爭奪或醜以金毗置之地泣曰此物飢不可食寒不可衣安用此俗以化拜侍書侍御史大理卿隋史

梁集字子虞并州刺史考治績為天下最拜大司農在郡二十餘年

梁覽字景獻其先部落酋帥家富貴貲千金仕魏涼州河刺史甲兵精銳吐谷渾畏之曰梁公在不可行也北史梁禦字善通仕周文帝復弘農破沙苑拜大都督雍州刺

史子睿字持德益州總管威惠兼著 梁椿年千年
周拜大將軍善撫納賞賜分麾下得其死力

梁臺字洛都周拜大將軍鄜州刺史果毅有惠受

梁昕字元明河南大守荊州刺史仁惠溫裕歷內外官俱
有政聲

梁仕彥字相如好兵書周武帝拜鎮將齊人憚之除晉州
刺史齊兵攻晉州樓堞皆盡士彥慷慨自若士卒奮
繫一當百齊兵却

梁越字玄覽博通經傳魏禮經博士魏道武今授皇子經
書北史儒林傳

梁祚通經典善公羊春秋鄭氏易 梁文貞從軍守邊還
家親亡自傷不及養穿墻旁為門晨夕洒掃廬墓啗
默三十年家人有問畫字以對甘露降墓樹白兔副

繞縣今刊石以紀 梁震唐進士入蜀至江陵高季

昌奏為判官震耻之歆去恐搨乃曰震不願官明公
不以為愚俾參謀議白衣侍樽俎可也季昌以為謀
主呼梁先輩震稱前進士高從誨兄事之震曰先主
待我以布衣交以嗣屬我今嗣主不墜先業足以請
退從誨築室工洲震稱依政進士荆臺隱者每詣荆
南節度使騎黃牛至廳事司馬光曰孫光憲見微能
諫高從誨聞善能從梁震功成而能退自古有國有
家者如此又何片國敗家喪身哉五代史

梁周翰字元褒鄭州進士虞城主簿宋藝祖脩宮殿周翰
奏五鳳樓賦宰相李昉奏之太宗除起居舍人真宗
拜翰林學士工部侍郎

梁景不善書而起草用蜀箋趙安仁善書每用舊箋特稱

梁顥字大素鄆州人雍熙二年狀元及第拜右拾遺真宗幸大名府訪邊事顥奏大將傳潛奉詔握重兵逗撓無謀赦而不誅何以謝橫死鋒鏑者顥除翰林學士知開封府卒初顥年八十二謝云白首窮經少伏生之八歲青雲得路多太公之二年

梁固顥子祥符年狀元及第

梁適字仲賢顥子輯顥制誥遺文進真宗曰梁顥有子授秘書正字及第改中允知淮陽軍召審刑院州妖人咒詛殺人適曰咒詛殺人甚如刃論處死儂智高攻廣州得賊榜欲得筓桂七州節度使適奏上決意命狄青平之適除叅政禮部侍郎同中書門下平章事神宗加太傅卒謚莊肅公

梁燾字况之父舊兵部郎燾登第元祐諫議大夫御史張舜民因言事左遷濤奏御史敢言大臣者天下公論大臣不悅御史者一人私心屈天下公論快一夫私心非治朝美事元祐七年拜尚書左丞

梁克家字叔子泉州進士治禮記紹興狀元朝道年兩知貢舉樞密參政右丞相知福州上書益稷篇賜新進士克家奏益稷首言治水奏難末言明良善起學者因晨翰味經旨當知古人用心再相四年卒謚文靖公言行錄

涼茂字伯茂山陽人太山太守魏尚書僕射太傅魏史

良鄭穆公子去疾字子良良霄之穆之一良就漢河間王相良賀

天水 炎帝生姜水 共工氏從禹治水為四岳尊
姜 為大嶽命為侯伯賜其 祖姓曰姜以紹炎帝

太公望封齊後為由和所滅漢以關東豪族徙關中
居天水蜀將軍平襄侯維之孫明居上邽明後魏充
州刺史封天水郡公九真姜氏出自天水唐宰相二

恪 公輔

姜詩妻龐氏事姑孝詩母喜飲江水龐氏泝沅六七里取
水以飲母好食魚龐氏力作以供一日泝江取水值
風還遲致母渴詩怒出妻龐氏被出寄隣舍晝夜紡
織市珍羞使隣母以意饋母久之詩母感泣召龐氏
還舍傍湧泉味如江水每躍鯉一雙足供膳赤眉賊
弭兵過其里曰驚孝子必觸鬼神明帝察廉以詩孝
廉為郎妻龐氏龐盛女也

姜肱字伯淮兄弟四人居貧以孝行著每一布被兄弟共
弟仲海季江俱詣郡遇盜欲殺食之肱曰弟年幼父
母所憐願殺我以活弟季江曰元年德俱長家之珍
寶國之英俊乞代兄命盜兩釋之陳蕃薦五處士徐
稚姜肱袁閎常著李曇桓帝徵肱不起遺畫工即彭
城圖其形狀肱臥幽閣以被韜其面言有眩疾畫工
不可得見

姜維字伯約蜀大將軍封平襄侯及鄭艾破蜀殺維剖其
腹膽大如斗

姜子才貧賣漿值天涼屠牛賣肉值天熱

姜蒼秦州上邽人平薛人果有功唐高祖曰昔人衣錦故
鄉秦人喜曰不意今日復見太平官府

姜皎唐明皇微時與皎善上即位皎與弟晦並顯皎誅竇

懷真有功進殿中監封楚國公其子慶初襲封楚國公宋璟言皎兄弟權勢太盛上制曰西漢諸將以權貴不全南陽故人以優閑自保皎宜從歸田里官勲封國如故五張說杜甫有楚公畫角鷹詩

姜晦起家蒲州參軍高陵令御史中丞太常卿奉詔市馬改兵部吏部侍郎主選事

姜萼父慶初尚唐公主生萼開元皇帝外孫生三日上曰他物無以餉吾孫勅賜第六品官告緋衣銀魚通籍出入名是官七十年不徒然在蜀漢荆楚以大夫諸侯命守州邑時缺則復命好遊宴嗜音生富貴蓄歌妓能傳宮中聲賢豪大夫多與連歡見柳文

姜字字子居天水人幼在河北陳不戢家牧羊身長七尺美丰姿夜讀書陳奇之語其文曰歆以汝與牧羊人

女曰字之才姿豈終牧羊者乃以女妻之官至京兆尹御史中丞前秦錄

姜確字行本唐貞觀將作監征高昌為行軍總管出伊州距柳谷百里依山造攻具其地有漢班超紀功碑確磨去古刻刊頌唐威德平高昌有戰功置書勞之在官祁寒烈日無怠容

姜公輔愛州日南人登科德宗幸奉天公輔陸贄盡忠諫諍擢諫議大夫同平章事以直諫謫泉州築室九日山之東與秦系為友九日山因號姜相峯王十朋詩相國忠如朱廣平危言流落晉江城天姿自立無心貴何事青山也得名唐真元二十一年撫州別駕

姜師度魏州人初丹陽尉龍崗令河北處察度支營田使初溝薊門以限奚契丹鑿平虜渠以通餉道罷海運

省功多遷司農卿太原倉水陸運所湊依高為膏而注米于舟不勞人力進河中尹置鹽也公私收利不賞遷同州刺史收棄地二千頃開上腹置十餘屯所姜遵字從式淄州進士知廬陵縣召監察御史殿中侍御史青州麻氏大姓富人因契丹寇澶淵兵至臨淄麻氏率庄丁千餘人立堡衛鄉里多所全濟契丹退麻氏歛兵器以輸官而留什一二以保家富而橫麻士瑤有姪幽餓死遵發其事索得兵器及小玉印乃按効麻氏蓄禁兵刻玉寶圖不執驗實誅麻氏遵天聖七年樞密給事中

姜度唐太常卿生子李林甫書曰賀聞有美麀喜坐客掩口笑詩載美之璋非麀字太原 琅邪 周靈王太子晉後 北海 陳留

王

齊王田和後東海姬姓畢公高後 高平 京北魏 信陵君後 天水 東平 新蔡 新野 山陽 中山 章武 東萊 河東殷王子比干後 金陵 廣陵 長沙 堂邑 河南 凡二十一望 賈執 英賢傳云東莞有五王氏史記云齊威王後 初周 靈王太子晉以直諫廢為庶人其子宗敬為司徒王家秦將軍剪剪生賁賁生離離死子元成元徙瑯邪王吉漢諫議大夫駿御史大夫生崇太司空扶平侯遵字伯業漢中大夫義鄉侯二子祥覽覽字元通晉宗正鄉即丘真子生敖字士初生遵穎敬導字茂弘晉丞相始興公六子悅怡劭洽協蒼洽字敬和散騎侍郎二子珣珉 珣字元琳尚書令前將軍謚獻穆公生曇首宋詹事封豫寧文侯二子 僧虔僧綽襲

封豫寧侯生儉侯侍中尚書令南昌文獻公 太原
王氏自離次子威漢揚州刺史霸字仲儒生成十九
世孫澤鴈門太守生景魏司空二子渾字云冲晉尚
書京陵原侯生湛汝南內史生承安字期藍田縣侯
生述字懷祖尚書令藍田簡侯生垣之左衛將軍藍
田獻侯生愉江州刺史至後魏鎮東將軍瓊生四子
遵業廣業延業季和稱四房王氏 又有河東烏丸
中山華陰京兆王氏唐宰相世系定着三房瑯邪太
原京兆唐宰相十三人

王喬漢書王喬傳何敬祖曰在昔王子喬有道發伊洛仙
傳曰王子喬周靈王子晉曰語我家七月七日待我
緱氏山頭至期往見白鶴漢明帝時葉縣令王喬每
月朔望謁京師朝會上恠來數不見車騎令太史密

侯之雙鳧自南來羅之得一鵝漢四年賜尚書官屬
履一日玉棺降庭喬沐浴自入玉棺中曰天帝召我
吏葬葉縣城東土自成墳百姓立廟曰葉公祠後漢
方術傳

王林國見賢必進其不能達者退分其祿衛靈公臣說苑
及柳文注

王翦秦將軍 王賁 王離 王元 王威

王吉字子陽明經舉孝廉雲陽令舉賢良昌邑中尉居長
安東隣棗垂吉妻取以食吉出其妻東隣欲伐樹鄰
勸還妻語曰東家有樹王陽去婦東家棗完去妻復
還吉貢禹善相薦拔時曰王陽得位貢禹彈冠吉祿
降自奉不積餘財遷徙載囊衣天下服其廉拜諫議
大夫子駸

王駿字偉山遷京兆尹繼趙廣漢張敞王遵王章皆能吏
京兆語曰前有趙張後有三王駿不再娶曰德非曾
參子非華元何敢載娶拜御史大夫子崇

王崇字德禮拜大司封扶平侯避王莽乃就國自吉至崇
世有清名

王符字節信隱居著書三十篇名潜夫論將軍皇甫規解
官歸安定有以貨得鴈門太守歸謁規卧不迎謁入
規曰卿在郡食鴈美乎吏又報王符在門規驚起衣
不及帶屣履迎門援手入同坐甚歡時曰徒見二千
石不如一縫掖此言道義之重也符不仕

王陵漢將其母在楚因漢使至楚陵母曰願語吾子善事
漢王漢王長者終得天下勿以老妾故二心妾以死
送使者伏儉而死陵事高帝得天下後拜丞相封安

國侯初秦豪傑推陳嬰王嬰母曰自為汝家婦世貧
賤驟富貴不祥宜以兵屬人事成受福不成禍不及
已嬰從之陳氏以寧故世曰嬰母知廢陵母知興漢
書

王式字翁思東平新苑人昌邑王師之王廢王吉龔遂以
諫免死式曰臣以詩三百五篇朝夕授王即諫書亦
戒死諸生薦為博士諸大夫持酒勞問有博士江公
為魯詩著好經說心嫉式謂歌吹生日歌驪駒式曰
客歌驪駒主人歌客無庸歸今日諸君為主人日尚
早驪駒未可歌也江曰經何以言式曰曲禮江曰何
拘曲也式耻之曰我本不欲來乃為豎子所辱謝病
不仕漢書汪大戴記驪駒在門僕夫俱存驪駒在路
僕夫整駕此章客欲去則歌

王嘉字公仲平陵人明經甲科鴻嘉年舉直言九河南太守建平年代平當丞相封新府侯上疏曰今郡守古諸侯文帝感馮唐言遣使持節赦魏尚為雲中太守匈奴畏之武帝推韓安國徒中拜梁內史骨肉以安張敞京兆尹當免宣帝徵為冀州刺史卒獲其用前世非私此三人貪其財也嘉子嗣新甫侯

王章字仲卿太山鉅平人為諸生學長安病卧牛衣中與妻訣泣曰妻曰京師尊貴在朝廷誰踰仲卿今疾厄不自激昂而乃泣涕何鄙也後拜諫議大夫元帝時石顯陷免官成帝拜司隸校尉京兆尹上封事妻止之曰人當知足獨不念在牛衣中泣涕時乎章曰天下事非女子所知書遂上死獄中妻子徙合浦初章王鳳所舉而書言鳳專權故及漢書本傳洪平齋讀

漢本傳詩皂囊盥手自封題忘却牛衣忍凍啼一點丹心通碧落歲寒寧負白頭妻

王章字君公與逢萌徐房李子雲友善君公避亂儉牛牛牙人自隱時人曰避世河東王君公後漢書 王章

五代漢三司使掌財用田賦舊制每一石加二升耗章乃增二升為二斗舊制錢出入以八十為陌章令入八十出七十七文曰省陌又每一斤除四文索錢曰蹺索又薄文士曰此輩授一握笑不知縱橫河濟於用耗米至今病民五代史

王褒字子淵蜀人作聖主得賢臣頌中和樂職宣布詩楊雄並稱淵嘗拜諫議大夫益州有金馬碧鷄瑞上命褒往祀馮道病卒漢書

王褒字子淵北周書

王充字仲任會稽人少孤鄉里稱孝師事班超家貧無書常遊洛陽市書肆閱所賣書通百姓衆流為郡功曹好論說閉門潛思戶牖牆壁各置紙筆論著衡八十五篇年將七十著養性書十六篇願神自守後漢書王粲字仲宣強記默識共人誦道傍碑默記不失一字觀棊局終覆之不誤曹子建與楊德祖書云仲宣獨步漢南鍾繇王朗為魏相國凡有奏議閱筆不能措手仲宣才捷給蔡邕曰王孫之才吾不如也一日邕賓客盈坐聞粲在門倒屣出迎粲至年幼容貌短少一座皆驚漢末避董卓亂往荊州依劉表及思歸登江陵城樓作登樓賦從曹操西征張魯檄作從軍詩五首見文選拜侍中後漢

王訢濟南人被楊令守右扶風宮館馳道供帳武帝拜右

扶風昭帝拜丞相封宜春侯

王忱字少林詣京師空舍中一書生疾視之生言為金產命在須臾腰間有金十斤相贈煩掩體言已而卒忱為以金一斤營葬餘置棺中忱署亭長有馬馳入亭而止天風吹綉墮前乘其馬至洛縣或問有何陰德自言葬書生事問者曰曰即吾子也天以此彰公盛德後除郿令至釐亭為鬼女子理寃

王恢漢武帝後元二年建議伐匈奴

王凌字子彥雲本孝廉廷兖州豫州刺史賞罰紀綱軍民悅服謂司馬宣公曰公可折簡召我何苦自來王曰卿非折簡可呼者

王崇封安成侯王譚封平阿侯王商封成都侯王立紅陽侯王逢時關內侯漢成帝母舅五人同封受封是日

黃霧四塞

王逸字叔師校書郎著楚詞章句欲作魯靈光殿賦令其子延壽往錄其狀延壽因韻之以簡其父逸曰吾無以加也殿漢景帝子魯共王餘所建蔡邕亦欲作賦見延壽所作亦止延壽年二十四過漢江溺死

王溫舒陽陵人廷廣平都尉擇郡豪敢往吏十餘人為爪牙凡盜賊不敢近廣平路不拾遺遷河內太守好行威上以為能遷中尉窮治姦猾糜爛獄中漢酷吏傳

王商字子威涿郡人京師訛言大水至商止之為丞相身長八尺單于來朝仰視之曰大可畏也退却上曰真漢宰相 王成膠東主相治有聲宣帝褒曰膠東相勞來不怠治有異等賜爵關內侯所居民富所去見思

王梁字君嚴漁陽人河南尹阜城侯雲臺二十八持

王丹字仲回家千金周急好施每歲農時載酒餼田間東作勤者欽勞之其隋者耻不致乃相率勤耕農邑遂殷富

王龔字伯言遷南陽太守溫和好士後進名士歸心拜太尉選辟皆君子長者

子鴨字叔茂清芳公正有不可犯之色為尚書南陽太守下車奮厲威猛糾發郡姦黨豪右大震

王允字子師郭泰曰王生一日千里王佐才也

王景字仲通或薦景治水明帝詔修浚儀渠脩汴渠拜河隄謁者廬江太守脩芍陂教民用犁耕郡豐富

王渙字稭子除溫令誅姦猾有方畧郡境清夷商旅路宿牛羊布野廷洛陽令寃獄疑訟一見曲盡情詐群疑立判姦搃伏有權請京師服其神政吏民建

生祠

王霸字儒仲漢連徵不仕同郡令孤子伯友善子伯為楚相子郡功曹奉書於霸既去而霸又臥不起妻問霸曰見令孤子伯之子容服甚光幸措甚適我兒蓬髮歷齒未知禮故慚妻曰君少脩清節子伯之貴孰與君之高君窮勤苦子耕以養安得不蓬頭歷齒柰何忘宿志而慚兒女子乎霸笑而起曰有是哉遂俱隱天子所不得臣諸侯所不得友沆曄漢書

王霸字元伯潁川人從光武至滹沱河曰水堅可渡上曰王霸權以濟事待天瑞也馬武攻重惠為蘇茂周建所敗求救於霸霸曰賊兵盛出則俱敗君努力而已霸閉營不出茂建挑戰霸方享士作倡樂茂射中霸前酒樽安坐不動軍吏曰茂易破也霸曰彼客兵遠

來食少挑戰今閉營休士不戰而屈人兵也雲臺十八將拜上谷太守封淮陽侯東漢

王常字顏卿潁川人雲臺二十八將橫大將軍封山桑侯光武曰王常輔翼漢空心如金石真忠臣也又曰吾見王廷尉不憂南方矣拜漢忠將軍東漢

王常齊僕射稱墜車僕南史王烈字彥方所居君子鄉里有曾往質之或途而返或望閭而返有盜牛者捕獲之盜曰刑戮是甘勿使王彥方知之烈聞之遺布一端後有遺劍于路行路一人見而守之即日盜牛者王烈以得感人如此東漢

王烈神仙傳王烈之太行山閭山東北聲如雷往見山裂石鼓有情泥流出烈曰仙經云神山五百年一開其中石髓服之者壽等天地烈飲其半餘半將以遺稽

康極至康所疑為石不可飲

王脩字叔治至孝其母社日亡脩七歲哀哭隣里為之輟社三國魏志

王觀字偉臺涿郡太守治身清潔僚屬承風自勵拜右僕射清勁貞固南史王澤漢鴈門太守生昶生湛生承生述生垣之愉悅綏凡八葉繼軌軒冕莫比

王昶字文舒魏明帝詔求才德司馬懿以兗州刺史王昶應選昶性景厚名其兒子曰默曰沈名其子曰渾曰深作書誡曰物速成則疾亡晚就則善終朝花之草夕而零落松柏之茂隆冬不衰是以君子戒於鬪黨能以屈為伸以謙為德以弱為強鮮不遂矣昶位司空尚忠節戒驕溢通監魏紀

王沈字處道魏侍中賜號文籍先生在魏為席上之珍在

晉為帷中之事拜御史大夫尚書令給事子浚字彭祖王濬字士治初起宅開門前路曰啟容長戟旌旗或笑之濬曰燕雀安知鴻鵠之志嘗夢梁上懸三刀主簿李毅曰三刀為州必益州也濬美姿容刺史徐邈擇壻大會僚屬令女自觀女指濬示毋遂嫁濬小字阿童羊祐聞童謡云阿童復阿童銜刀橫渡江不畏岸上虎但畏水中龍表濬監益州軍事加龍驤將軍治樓舡順流伐無時造舡木栝殺江而下吳建平守吾彥以栝白吳增兵防彥作鐵鎖橫江濬初叅祐軍事知其才祝兄子暨曰濬志大奢侈不可專任祐濬大才可任詔濬改建平受杜預節制云建業受王渾節度杜曰濬得見平順流長驅不宜受制於我以書獎之濬大悅武昌順流趨建業

王渾字玄忠遣信要濟論事濟舉帆直指建業報渾風利不得治也戎卒八萬方舟百里鼓譟入石頭城吳主皓降濟渾以武帝太康元年出橫江攻吳鎮戍皆克渾怒欲攻濟何攀勸濟送皓與渾以免而爭功不已武帝以渾為上功拜司徒加侍中濟加輔國大將軍封襄陽縣侯杜預當陽縣侯渾京侯陵增邑八千戶爵為公濟自以功大為渾父子所抑益州護軍范通曰軍知功美矣所以居美者未盡善也若旋旆日角中私弟口不言平吳功或有間刑則曰聖主之德群帥之功老夫何力之有此蘭相如所以居廢頗也渾能無愧乎濟曰吾懲鄧艾事懼禍及身不得忘言其不能遣諸胷中是吾福也唐武后幸洛陽閱鄉縣馬不進召巫不云晉龍驤將在軍墓在道南哀訢上詔主

濟墓不許樵牧 王基字伯輿察孝廉為即遷將軍都督有學行總方伯著續垂聲

王謚字稚遠祕書郎遷吏部尚書中書監 王平字子均鎮北將軍生長戎旅所識不過十字手不能書使他人讀傳記而聽之遂通古今大義並南史

王肅字子雍官祕書監侍中其安晉文明皇后肅注論語尚書三禮佐傳周易春秋條例毛禮記春秋三傳國語爾雅諸注劉晏曰王肅於事上而好下倭以此一反也性嗜榮貴而不苟合此二反也吝惜財物而治身不穢此三反也子恂愷

王 河南尹侍中立學崇伍經 王愷字君夫與石崇競富拜後將軍互石崇

王肅字恭謚自齊奔魏豫州刺史拜尚書令揚州刺史史

王弼字輔嗣注易輔世浮華相扇儒雅日替范甯謂王弼何晏二人罪浮傑紂晏好老莊作道得論文賦弼儒詞才辯逸天下宗之名理學盛行正始之際

王虔字恭祖位尚書恂弟南史

王衍字夷甫方總非山濤曰何物老嫗生此寧馨兒然誤天下倉生者此人也補元城令清談終日捉玉柄麈尾與手同色談理未安隨即爾改時號口中雌黃文謂衍有人論之鑒朝野墓之稱一世龍門從兄戎曰衍神姿高徹如瑤林瓊樹自然風塵之表王敦曰衍在衆中如珠玉在瓦石間衍口不言錢妻郭氏令以錢繞房榻衍曰舉阿何堵物去弟澄顧愷之為畫喜神贊曰巖巖清峙壁立萬仞

王澄字平子聞衛玠談道難息絕倒時語曰衛玠談道平子絕倒澄與王玄王濟齊名世謂王家三子不如衛家一兒與任昉為曠達有或裸形歎傲樂廣曰名教中自有樂地澄諫衍妻郭氏貪鄙郭氏如曰昔太夫人以小郎囑新婦不以新婦屬小郎衍居宰輔以澄為荊州族弟敦為青州白荆有江漢之固青州有附海之儉二人在外衍留中是足為三屈矣識者鄙之懷帝時衍被石勒使人排墻殺之

王戎字濬沖六歲郡兒戲道傍有李群趨戎不往曰必苦李也阮謂其父濬曰戎非卿也共卿言不如共阿戎談裴楷曰戎眼爛爛如巖下電有識鑿目山濤璞玉渾金人欽其實莫知其器王衍瓊林瑤樹自在風塵之表裴頠屈拙於用長荀勗工於用短陳道寧稜稜如束長竿妻呼卿戎曰婦卿天理不順妻曰親愛

卿故卿卿我不卿卿誰當卿卿戎為尚書令着公服
過黃公酒壚曰吾昔與嵇叔夜阮嗣宗酣揚此酒壚
稽阮令亡戎為所羈絆視此至今如隔山河戎位
三公與特浮沉田園偏天下自執牙籌晝夜計會家
賣李好恐人得種鑽李

王敦字處冲尚公主廝上捺箱棗塞鼻敦食之婢捧金椀
盛水流璃椀進澡短以與敦食之婢掩口笑敦叛
王導師弟中領軍遠在將軍廩侍中侃彬凡宗族二
十餘人詣臺待罪曰辭臣賊子何代無之不幸近出
臣族周顛入朝導呼曰伯仁一伯口累卿顛不荅直
入申救甚至上從之顛喜醉出導在門又呼之顛不
荅顧在右曰今年殺諸賊奴取金印如斗大繫肘後
既出復上表言導無罪而導不知也以為怨後因檢

中書得顛救已表流涕曰吾雖不殺伯仁伯仁由我
而死幽冥之間負此良友

王廩字世將工書畫音樂荊州刺史左將軍弟彬

王彬晉元弟侍中上遣彬勞敦時殺周顛戴淵彬先哭顛
後見敦敦怒彬曰哭伯仁情不能已伯仁長者赦
後加刑所傷也因敦殺忠良謀不軌辭氣慷慨聲
淚俱不到今彬起謝彬曰脚痛不能拜敦怒曰脚痛
孰若頸痛彬不拜苦諫敦目在右收之彬正色曰昔
歲殺兄今又殺弟弟耶敦乃止拜豫章太守江州刺
史遷尚書右僕射

王湛 隱得宗族皆為癡兄子濟見其床頭有周易問
叔何用此曰體中不快時一觀其與言易部祈微玄
理有奇趣濟曰家有名士三十年不知濟有駿馬難

馭湛馳之迴策如縈善馭無以家焉濟所乘馬甚愛之湛曰此馬固快然力不堪苦行向見督郵馬但芻秣未至濟試之曰等耳湛曰平路無別任重財見於是仁重試於蟻封之途督郵馬如常而濟馬踣濟異其言白父渾曰述方得一叔父帝見濟問曰卿家癡叔死未濟對曰臣叔不癡山濤以下魏舒以上湛子承王濟渾子常尚山公主渾尚書僕射濟侍中渾主吏處事不當濟必明法繩之王承守安期東陽太守小吏盜池魚承曰文王之圖與民同之不問吏白一人犯夜承問答曰從師受學不覺日晚承釋之承弟幼示東陽太守時朱异當國車馬填門申英曰异門輻湊皆為利往能不往者太東陽小東陽耳弟訓王述字懷祖承之子王導辟兵曹掾導問江東米價述張

目不答導曰王掾不癡擢自揚州刺史為尚書令封籃田簡候垣之為相温長史温為子求婚因還侍述愛坦之抱置膝上坦之及温語述怒曰汝竟痴而畏温而歆以女妻兵耶王坦字子文度時人曰盛德絕論郝嘉賓江東獨步王文度簡文帝詔相温君攝州公旦故事坦之草詔曰國家一票大司馬如諸葛武侯王丞相故事武帝寧康二年坦之徐州兗州刺史鎮廣陵封藍田獻侯卒監終書謝安相玄唯言國事不及家事四子愷愉國寶忱愷字茂仁愉茂和忱元達其勇范甯曰卿風流信望後來之秀忱曰不有此舅安有此甥忱鎮荊州

王彪之字叔父武彬穆帝永和年吏部尚書時栢温北伐彪之啓會稽王昱作書諭以禍福恩還鎮殷浩北伐

虜之箋會稽王昱言未應輕舉浩連年北伐無功温
欲以栢雲為豫州虜之曰温居上䟽割天小半第不
可處西藩乃以謝萬豫州虜之曰温居上流虜之取
霍光傳定儀立會稽王昱是簡文帝上崩朝廷畏温
不敢建立虜之曰取霍光傳子立大司馬豈得異褚
後以上幼令温攝虜之封還令不行初温望簡文禪
位或居攝皆失望謝安歆太后臨朝虜之曰母子一
體可臨朝今上年出十歲豈可從嫂臨朝呼虜之終
散騎常侍 互往姓

王舒字號名都督荊州湘州刺史子允之

王允字之深歆父舒廷尉允之方總非從父敦愛之以自
隨敦夜與錢鳳飲有逆謀允之辭醉先卧悉聞其謀
即大吐血面俱汚鳳既出燭果燭之見其熟卧吐中

乃不疑允之因歸省悉以告其父舒與導始潛為備

王恭字孝伯起家著作美姿儀濯濯如春月柳披鶴氅衣
雪中行

王濛字中祖美姿容覽鏡自照稱其父字曰王文開生如
此兒凡稱風流者以濛為宗子蘊字叔仁晉孝武皇
右父也拜尚書吏部侍郎脩字敬仁著作

王裒字偉元以父儀為司馬照所殺非命裒隱居不仕廬
墓攀栢而號讀哀哀父母生我劬勞之詩三復流涕
門人廢廖義隱居教授學徒凡三徵不就晉武記

王延字廷元事親孝夏月扇枕席冬月以身温被

王玄謨字彥德領汝陰太守上書比伐文帝曰聞王玄謨
陳說使人飄飄然有封即胥居之想性嚴不妄言笑
時人曰玄謨眉顯未嘗伸

王微字景元父孺從父弘導之後微書侍郎兄遠字景舒
光祿勳時人謂遠如屏風屈曲從俗能蔽風露言不
乖物理也遠子僧祐字徹宗亭然獨立不交當世位
黃門子籍字文海仕齊餘杭令錢塘令政化如神吏
民莫能欺南史

王羲之字逸少見十二見周顛顛異之時重牛心炙坐客
未敢顛先割啖羲之初太尉郗鑒求婿王導使就東
廂徧觀諸子弟歸曰王氏諸少並佳然聞信至咸自
矜持惟一人在東廂坦腹食若罔聞鑒曰此正佳婿
於問羲之也後郗夫人謂其弟司空曰王家見二謝
傾筐倒屣見汝輩平平耳羲之起家秘書遷會稽內
史七子五知名玄知疑之微之操之獻之禎之永和
九年會于會稽蘭亭羲之謝安謝萬孫綽孫統彬之

疑之肅之微之徐豐之袁嶠十一人四言五言詩各
一首王豐之元之蘊之渙之郁曇華庾友栢虞詵魏
滂謝繹庾蘊孫嗣曹茂之華平栢偉十五人四言五
言各詩一首王獻之謝瑰下廸卓髦羊模孔熾劉密
虞谷勞夷石綿華著謝騰王疑呂繫吳本曹禮十六
人各詩不成罪酒二巨觥謝安五言云萬殊混一象
安復覺彭殤記云齊彭傷為妾作此語也羲之五言
云仰視碧天際俯瞰綠水濱寥闊無涯觀寓目理自
陳太矣造化工萬殊莫不均群籟雖參差適我無非
親此詩一達者或以一死生齊彭傷義議之未達非
也紀當時語尔初獻之操之微之詣謝安二兄談論
獻之寒温而已既出或問優劣安荅曰言人之辭寡
今蘭亭盛集獻之無詩受罰酒豈亦吉人之辭寡乎

當時四十二人有十六人無詩受罰酒景祐年郡守
蔣當脩永和故事詩云一派西園曲水聲水邊終日
會簪纓幾多詩筆無停綴不似當年有罰觥

王凝之娶謝奕女道韞不樂其夫每月一門叔公則有阿
大中郎郡從弟兄則有封胡羯末不意天壤間乃有
王郎一日聞獻之對客談理將屈道韞令婢曰欲為
小郎解圍即青綾步帳自蔽申獻之談緒客不能屈

互謝姓

王徽之字子猷吳中人家竹徽之每造竹間吟獻主人
洒掃迎疑盡曰寄屈空宅便令種竹曰何可一日無
此君屈山陰雪霽月明獨酌詠詔隱詩憶戴逵在剡
溪命舟訪戴及門雪竹縱橫無徑可入乃曰乘興而
來興盡而返何必見安道為担温叅軍担冲曰卿在

府日久當相料理徽之不荅但以手扳拄頰曰西山
朝來致有爽氣

王獻之字子敬幼觀門人擄捕曰南風不競門人曰此郎
管中窺豹時見一斑獻曰遠慙荀奉倩近愧劉貞
長拂衣去七歲學書義之從後密掣其筆不可得乃
曰此兒復當以書名工草隸名小王書初兄弟見郝
太尉必躡履脩外甥禮及嘉賓卒即輕慢或高齒履
見之鑿曰超在鼠輩何敢尔獻之與吳太守中書令
一夕盜入室偷他畫將及青氈獻之徐徐曰青氈
我家舊物可特置此盜驚走徽之獻之俱疾願大獻
之死術者曰年俱盡及獻之卒徽之奔喪不哭直上
靈床坐取獻之琴彈久而不調曰嗚呼人琴俱亡矣
月餘徽之亦卒 操之字子重豫章太守

禎之字翰侍中

王誕字茂世弘從兄宋武帝太尉

長史兄嘏字偉世嘏子偃字子游光祿大夫偃子藻

東陽太守藻弟懋字昌業光祿大夫懋子瑩字奉光

東陽太守吳興太守瑩弟亮字奉叔晉陵太守吏部

尚書

王華字子陵誕從弟宋文帝侍中

從弟琨

王琨歷宣城義熙太守吏部侍郎典選凡貴要請託琨字

公卿大夫朝士各為擢用門生二人與議惟允琨廣

州刺史南士富饒仕者必富語曰城門一過便有三

十萬琨表獻半俸官滿歸舍齊孝武之其清廉問曰

卿歸資多少曰買宅三十萬餘稱是南史

王惠字令明遷吏部尚書不通賓客或書求官聚書閣上

去官日封印如初惠從弟球字蒨玉吏部尚書不交

權貴門無雜賓曇首曰舊王亦是王卮無可當者不

不視求官書而銓衡有序拜尚書僕射從子或

王或字景文美風姿袁粲曰風流可悅揚州刺史在僕射

齊書

王奠字道明或兄子雍州刺史左僕射弟份字季文佐僕

射份子琳字奉璋琳子銓字公衡銓弟錫時謂銓錫

二王十一王昆金友錫弟僉僉弟通通字公清陳時

左僕射通弟勳字公齊左僕射

王瞻字思範弘

從弟晉陵太守梁武帝嘉其三藝酒射碁

王長

文字德獻著書四卷名通玄經擬易

王筠字元禮年十六作芍藥賦又有詩文詞擅一時之美

稱後來獨步拜詹事沈約曰自開闢以來未有爵位

蟬聯文章相繼如王氏之盛者弟彬字思文工文章

篆隸時曰三真六章為天下寶仕梁祕書監南史

王談年十歲父為隣人所殺談年十八復父讐郡守義之表于朝上赦其罪

王墮字安生符秦丞相著匪躬之符健曰百官皆如王令君陰陽安得不和

王冲字長源弘玄孫侍中南郡太守政平訟理在官無赫赫之譽去久人見思冲有子三十人皆政顯官于瑒

字子與太子中庶子文帝曰令王瑒久居承
歆太

子之所風法瑒弟瑜字子珪年三十官侍中兄弟並

棟梁大任南史

王暕字思悔父儉兄騫儉在相位賓客見暕曰公才公望復見於此歷吏部尚書子承國子祭酒東陽太守承弟訓字懷範梁武帝曰相門有相拜侍中

王規字威明號孝童祖儉父騫

王志字次道兄慈志

宣城內史郡民張倪吳慶爭田連年不決志到官感服不爭遷吏部尚書志楫楫子筠楫弟彬字思文

王遵字伯業益州刺史初王陽刺史行至邛郫九折坂曰奈何奉先人遺體乘此險及遵至九折坂叱馭驅之

陽為孝子遵為忠臣京兆尹刺譏不憚將相誅惡不避豪強拜東郡太守中大夫封義鄉侯二子 祥覽

王祥字休徵父遵繼母朱氏生覽祥至孝覽見祥被母撻則泣諫母後祥則覽俱母後祥妻則覽妻亦俱母醜

祥而覽取以自飲母奪之自是覽與祥同飲食母疾祥不解衣帶母歆思祥臥冰雙鯉躍出漢永隱居三

十年徐州呂虔檄別駕委州治政化大行百姓歌曰海沂之康實賴王祥邦國不空別駕之功晉受禪王

祥石苞鄭冲何曾賈充王沈荀顗陳騫八公祥睢陵
元侯卒初呂虔有佩刀或相曰三公之珮虔與祥祥
與覽

王覽字玄通光祿大夫宗正卿封即丘貞子子裁字士初
襲封即丘子生三子導穎敞

王導字茂弘晉元帝丞相封始興文獻公 晉度江導訪
郭璞卜問家世璞曰晉室諸王冠冕不絕淮流竭王
氏滅陳亡時淮流竭江右王氏盡導在相日二十餘
人坐逐一稱美末一臨海人也一胡僧導徐徐語曰
自公未臨海有人矣又徐語僧曰蘭奢蘭奢胡人美
僧語也一座盡悅導六子悅字長豫中書侍郎恬字
敬豫奕恭晉中興第一仕散騎常洽字敬和中書郎二
子珣珉協字敬祖撫軍參軍

劭字敬倫吏部尚書僕射 蒼字敬文吏部侍郎侍
中

王悅事親色養導變恭爭道笑曰相與有瓜葛那得如此
導請婚於陸抗抗曰薰蕕不同器晉書

王猛字景略北海人隱華陰聞栢温入閩被褐詣軍門謁
捫蝨談當世務傍若無人語温曰公不遠數千里深
入敵境長安咫尺不渡灞水百姓未知公心所以三
秦豪傑無至者温曰江東無卿北也拜官不受猛好
學少儻有大志不屑細務輔苻堅霸秦猛垂沒語
堅曰晉處偏方中華正統天意不絕願勿以晉為圖
猛治國剛明清肅勸農諫兵嚴明賞罰猛子皮因事
坐法符堅曰丞相臨終託卿但以具牛治田不求官
知子莫若父何其明也

王鎮惡猛之孫五月五日生俗云惡月父母欲不舉猛曰
田文此日生而相濟此兒必興吾家因名鎮惡晉武
帝曰將門有將相門有相拜龍驤將軍克復長安

王懿字仲德從武帝征盧循有戰功進將軍平長安拜太
尉三守徐州威德著彭城

王珣字元琳小字法護弟珉字季琰小字僧珉時曰法護
非不佳僧珉難為兄珣夢人得如椽大筆珣栢温府
主簿時曰髯參軍短主簿能令公喜能令公怒與謝
玄俱温椽温曰謝椽年四十必擁麾杖節王椽必作
黑頭三公晉武帝為晉陵公主求壻語珣曰主壻如
劉真長王子敬足矣如王處冲栢元子小富貴便豫
人家事珣曰謝琨不及真長不減子敬表崧欲壻琨
珣曰卿莫近禁嚮珣右僕射尚書令前將軍謚獻穆

公子弘曇首

王弘字休元父珣積財父財散人間者弘開券不收責弘
江州刺史弘兄弟會集子孫戲前僧達跳作虎子僧
綽端坐采蠟燭珠作鳳凰僧達奪取壞之僧虔累博
恭二十子不墮弘曰達俊爽必危吾家綽當以名義
見美僧虔必長者後如言

王曇首宋武帝曰輔相材也拜侍中詹事文帝曰建大厦
須棟梁及卒上惜之封豫寧文侯二子僧虔 僧綽
弘生錫 僧亮 僧術 僧達

王僧虔工隸書侍中右僕射

王僧綽好學練習朝典宋文帝授吏部侍郎尚帝女東陽
公主年二十九拜侍中上何所委任王華王曇首殷
景仁謝弘微劉湛范晔沈演之庾炳之江湛徐湛之

何瑀之王僧綽凡二十人僧綽襲封豫寧侯子儉

王僧孺齊太學博士梁南海太守尚書吏部侍郎

王僧辯字居牙明春秋有平侯景功

王僧達宋武帝宣州太守不得宰相怨望賜死時以比謝

靈運

王儉字仲寶篤學手不釋卷叔僧虔曰不患此兒名位不

高但患太盛袁粲曰枯栢豫樟生小已有諫梁器年

二十八為齊尚書僕射吏部尚書儉尚宋明章女宋

順禪齊儉佐命侍中詔儉宅開學士館充以摠明觀

書部以家為府開幕府置僚屬庾景行衛將軍蕭緬

曰盛府元僚實難其選庾郎可謂泛綠水依紅蓮時

以儉幕為紅蓮池儉曰江左風流宰相惟有謝安以

自况也子騫字思寂梁武帝中書令

王茂先字休連齊武帝三茂先年少堂必位公輔遷襄陽

太守梁武帝以王佐期之授江州刺史累遷司空

王慈字伯實父僧虔弟儉共學書謝超宗曰卿書何如虔

荅曰慈書比大人如鷄比鳳超宗父鳳蔡約與宗子

同慈入寺約曰衆僧今日必虔荅曰卿言何以與蔡

氏之宗乎仕東海吳郡太守子恭

王泰字仲通祕書丞黃門侍郎朝宴刻燭賦詩文不加點

掌吏部選天下稱平

王琳字珩輕財好士得將吏心少年將帥雅有忠節平侯

景胤琳功第一湘州刺史並南史

王摛博學主儉使賓客隸事多財者賞初賞何憲以五花

筆白團扇及摛文授筆立成文詞華乃命抽憲筆制

憲扇賞摛登車而去授秣陵令政清直請謁不行南

史

王廣之字士林征代立功拜冠軍將軍子珍國字德重仕齊南譙太守散財發粟賑飢齊高帝詔曰卿愛人活國甚副朕心遷桂陽內史平盜愛民居官廉素抑世隆曰真字千石武帝曰珍國可大用士林可謂老蚌生明珠入梁為都官尚書並南史

王淮字元魯處之曾孫歷代朝儀典故緘之青箱世稱王氏青箱家學南史

王昕字元景東萊太守揚愔曰人之師表母崔氏有學識生九子俱風流醞籍號王氏九龍昕弟晞字叔朗仕以談燕為樂事賞心特稱方外司馬善賦詠南史

王慧龍太子人仕魏滎陽太守其孫遵業官著作延業俱應詔賦詩時曰王家兄弟英英濟濟表翻王誦俱位

黃門稱三哲子

松年黃門侍郎子劭字君懋學博

物仕隋散騎侍郎脩起居注官著作二十年專典國

史北史

王懷字懷周齊神武拜驃騎大將軍

王駿字繼嵩拜侍

中

王絃字師羅拜驃騎大將軍

王雄柱國大將軍子謙益

州刺史

王盟拜太傅魏文仲之子勳千牛衛將軍懋領軍將軍

王熊字熊羆魏華州刺史齊將韓軌夜襲之熊自持白棰大呼而出口老熊當道臥貉子那得過齊兵驚走

王述廣州刺史拜大將軍

王思政魏大將軍

王雅字度容從周文帝戰芒山諸將

皆退雅獨力戰上曰王雅通身皆是膽子世勳隋涼

州總管

王續字繼母孝宣武詔旌表門閭免徭役並北史 王崇

字乾邕兄弟以孝聞風電災至崇舍即止 王間數

世同居家數百口共財一門雍睦鄉里敬仰詔旌表

門閭並孝義傳 王無競擢下筆成章科御史會朝

禮尚敬公等大臣不宜慢常典 唐史

王方翼字仲翔并州人早孤號孝童唐高宗授肅州刺史

儀鳳年間 河西蝗不入肅州界鄰郡大飢流民重

爾走肅州方翼出私錢作水碓薄其贏以濟飢瘵構

舍數千百楹以居流徒全活甚多平西域遷夏州都

督特以牛疫廢田教民耦耕法民力省其功多百姓

賴之上召問西域事引見奉天上見其衣有汗濯痕

因問具對熟海苦戰狀賞賜甚厚 子璵璆璆以文

學稱三王

璵子璆 璆子拱 王適奇男子五疾高韓愈作墓

志

王軌仕後周謂小內史賀若弼曰周太子不克負荷因內

晏上壽將帝湏曰可愛好老翁但恨後嗣弱耳因白

曰皇子非社稷主晉六茹堅有反相 陳吳明徹圍

彭城執引兵據淮以鐵鎖貫車輪數百沉之清水邊

陳船歸路以擒吳明徹陳宣紀

王劭仕隋文帝好機祥小教劭采民謠引圖書識緯摺撫

佛經撰王隋靈感志三十卷奏上上令宣示天下劭

賞賜優渥 隋文紀

王通字仲淹曰婚娶而論財責虜之道也君子不入其鄉

古者男女之族各擇德焉不以財為禮子之族婚嫁

必具六禮曰斯道也今亡矣三綱之首不可廢吾從
古文中子事君篇

王駿滄州人少孤好學擢明經桂州總管都督開屯田數
千頃以省漕運百姓刻石頌德開元年并州都督條
陳三策征討立功形貌偉特特稱熊虎之將相感慕
節義有古人風疏上言二張誣魏元忠非其罪

王景文宋明帝舅太豫元年上病慮皇后臨朝元舅為宰
相必異謀先賜景文死敕曰與鄉周族全鄉門戶故
此處分景文方對客恭叩函看已復置局下神色不
變又客對謀行攻劫終一局收子納奩畢徐徐語客
曰奉勅賜死將勅示客即飲藥死焉通監宋紀

王融齊中書郎自持人地年三十內望公輔夜直省中撫案
歎曰為尔寂寥鄧禹笑人出外見朱雀行喧啾不得
進乃搥車壁曰車前無八騶何得稱大丈夫竟陵王
子良以融為寧朔將軍因欲矯詔立子良為帝誅死
通監齊紀

王通字仲淹漢徵君霸為樂昌令遷倚氏銅川開皇四年
文仲子生銅川府君筮之遇坤之師安康獻公曰素
王之卦地二化天一上德居下位隋文帝仁壽三年
上太平十二策講道河汾著中說弟疑錄其

吾

兄緒言也越公楊素勸之仕通曰先人敝廬足以庇
風雨薄田足以具餐粥讀書談道足以自樂明公正
身治天下使時和歲豐通也受賜多矣不願仕也或
譖通慢素通曰使公可慢則僕得矣公不可慢則僕
失矣得失在僕公何預賈瓊問息諂曰無辯問止怨
曰不爭文曰聞諂而怨者諛罔也見譽而喜者佞之

媒也總圖音由去謀諛佞遠矣文中子劉禹錫作通
墓誌曰子晉之後去姬為氏子孫家太原六代孫文
中子 王福時通幼子編中說為十卷予以觀先
君之學明道垂訓以為素業傳之子孫福時五子勛
勳勳助 勸皆以明名福時譽之韓老思曰壯預
有左傳癖和嶠有錢癖陸羽有茶癖王濟有馬癖君
有譽兒癖王家之癖何多也

王勳兄弟登科勳長壽年鳳閣舍人壽春王等五王同日
出閣有司儀制具載冊文群臣咸在缺制詞宰相失
色勳令五吏執筆各口占分詞五制立就文理粲然
中外歎服 勳勳令五吏杜易簡稱王家三殊樹王
揚盧輅四傑五揚姓

王勃字子安六歲文九歲讀顏師古注漢書作指瑕以
隨師古失麟德年以書上陳群道表于朝對策高科
未弱冠授朝散郎沛王府脩撰作閑鷄檄以激英王
雞高宗怒其交構而黜之福時雍州司功參軍以勃
坐遷交趾令勃省侍過豫章都督閻公伯嶼修滕

閣宿命其壻作序以誇時九日宴集閣上筆札命坐
客勃受之不讓磨墨復藁援筆一揮而成不易一字
文中子居白牛溪上隋末自漢魏晉著書百二十篇
續古尚書勃補完缺逸定為二十五篇夢人告曰易
有太極因作周易發揮作唐千歲曆年二十九度海
溺死

王仲舒字弘中并州人貞觀賢良高科拜左拾遺與陽城
論裴延齡元和年娶州刺史遷蘇州穆宗召中書舍
人江西觀察使民以私釀抵罪仲舒奏免摧酤錢九

十萬又吏坐失官錢五十萬仲舒焚簿破械不問又
因水旱出已錢二十萬伐民租賦修滕王閣作記韓
愈云三王所為賦序記王緒作賦王勃序王仲舒記
唐書 仲舒在官凡有為佛老興祠宇者仲舒驅之
使出境

王儀方明經及第坐張亮事貶官南海舟人請所福義方
酌水哲曰忠獲戾孝見尤四維廓氣千里安流神之
聽之無作神羞特盛暑蒸霧湧濤祝畢天開雲霽
高宗 慶年拜御史對仗叱李義府三叱令不乃讀彈
文李義府縱大理囚又迫畢正義自縊義方買宅入
居數日愛其庭樹召舊主人曰庭樹尚欠償直再予
金帛

王珪字叔玠少時房杜為友其母語珪曰房杜公輔材汝

貴無疑仕隋入唐拜諫議大夫侍晏上命品藻朝臣
對曰孜孜奉國知無不為臣不如玄齡才兼文武出
入將相臣不如李靖敷奏詳明出納惟允臣不如溫
彥博處繁治劇衆務畢舉臣不如戴胃恥君不及充
舜以諫諍為己任臣不如魏徵至激濁揚清疾惡好
善臣亦微長論臣伏其確論珪子敬直孫燾從高醫
學因名其書為外臺秘要 王績字無功通之弟
舉孝廉授秘書正字嗜酒求六合丕還鄉種秫養蠶
鴈葺藥以周易老莊書置床頭游北山東臯著書號
東臯子唐武德年以前官待詔或曰待詔何樂曰良
醞可戀侍中陳叔達聞之日給一斗稱斗酒學士真
觀年太樂縣署史焦革家善釀績求太樂丕焦革飲
以美酒革死妻送酒如初歲餘革妻死績棄官去述

焦革酒法為經采杜康儀狄酒法為譜李淳風以續
為酒家南董所居東南有磐石立杜康祠焦革配享
普醉鄉記次劉伶酒德頌飲五斗又著五斗先生傳
豫知死自志墓託言曰無心子

王晉字夏卿太原人好學兄維俱登科佐李光弼幕以功
遷兵部侍郎蜀郡刺史散騎常侍

王維字摩詰九歲能弟縉登進士第遷尚書左丞工詩畫
草隸開元天寶寧薛諸王若師友畫思入神山水平
為樂或以古按樂圖示之維曰霓裳羽衣舞第三疊
初拍也初維弱冠以文名又閑音律妙琵琶支王重
眷時張九臯將以九公主牒京兆試官求為解頭維
言之岐王曰貴主不可力爭吾為畫計錄所詩清越
者十首琵琶新聲怨絕者度一曲後五日來如期王

曰以文士謁何門可見乃衣以錦綉鮮華奇麗執琵琶
詣主王曰承貴主出內携酒樂奉獻維少年風流
主問曰知音者令奏曲蒲座動色主問曲名維曰鬱
輪袍主喜王曰此性曰不但知因主曰有文乎維獻
千詩主曰每誦此是古人佳作乃子詩乎主命更衣
升客席 重王曰若京兆得此生解頭誠為國幸
主曰子誠應試當致力維起謝主即 試官至第傳
教以維作解頭見薛用翁集異記秦少游為汝南學

官臥疾高符仲示輞川圖曰閱此可愈疾少游喜閱
於枕上恍若同摩詰入輞川度華子岡經孟城恂憇
輞口蒞泊文杏館上金竹領並木蘭岩絕茱萸泝躡
槐陌窺鹿砦迤乎南北坨航歌湖戲柳浪濯樂家瀨
酌金屑酒過白灘停竹里館轉辛夷塢抵漆園幅

中杖履恭變茗飲賦詩自娛志其髀繫於汝南也疾乃愈

王忠嗣華州人年九歲善談兵天寶年河西河東朔方隴右節度使持重安邊互市胡馬唐兵益壯破吐蕃吐谷渾忠嗣數言安祿山必反董延光取石堡城上命忠嗣助延光忠嗣不從命李光弼曰延光無功必歸過大夫何愛數萬段帛不以杜絕繇口乎忠嗣曰數兵爭一城得一足威敵失不傷國忠嗣受責不過以金吾羽歸宿衛豈忍以數萬人命易一官乎李將軍誠愛矣吾志已決勿復言也光弼曰大夫能行古人之事兆光弼所及延光果言其沮軍計上怒徵入鞠之會哥舒翰以已官爵贖忠嗣罪貶漢陽太守贊曰忠嗣將才戰必勝攻必取策右堡之得不當所亡高

馬直以空敵姿屢言祿山必反可謂深謀然不免讒口卒死謫地自古賢工謀國拙謀身可勝歎哉唐書王庭湊殺田弘正朝廷以庭湊為成德軍節度使遣韓愈宣愈曰天子以尚書有將帥才賜節鉞乃不能語健兒甲士曰先太師王武俊為國擊朱滔今血衣尚在愈曰汝曹能記王太師血衣記忠則善矣唐書

王建大和年陝西司馬與韓愈張籍同時有宮詞百冊四篇名家又逸詞九篇如樹頭樹尾覓殘紅一片東自是桃花貪結子枉教人恨五更風叢叢洗手繞金盆旋拭紅巾入殿門衆裡遙拋新橘子在前に收得便承恩或云建與王守澄為同宗故宮中事詳

王景仁廬州人初名茂章從揚行中兵淮南梁太祖召景仁歸梁拜節度使同平章軍行經揚行密詞再拜

慟哭

王朴字文伯東平進士授書校郎周世宗擢掌書記遷北
部上平邊策遷諫議大夫知開封府散騎常侍端明
殿大學士顯德三年征淮朴東京留守戶部侍郎樞
密朴明敏多材智明當世務陰陽律曆詔考正雅樂
卒贈侍中

王彥章字子明鄆州人梁濮州刺史跣足馳突如飛號王
鐵鎗龍德年晉取鄆州梁宰相敬翔曰事急矣非彥
章不可上以彥章為詔討使問破敵期對曰三日左
右笑彥章受命兩日馳至滑州置酒大會陰遣具
舟楊村命甲士六百人各持巨斧鉞治具韃炭乘流
下而自引精兵沿河越德勝舟兵舉鎖燒斷以斧斷
浮橋而彥章急攻南城破之正三日也彥章武人有

俚語句虎死留皮人死名

王鏐其先回訖阿布思遺種曰汶諾干鎮州王武後初冒
姓王生子末垣活生昇生延湊生元達生綰昇紹懿
詔昇生景崇生鏐自昇以上三世鎮州騎將自景崇
以上四世五人咸得軍節都使景崇太尉封常山郡
王唐中和年卒鏐年十歲承祖父百年之業士馬強
蓄積富世唐蕃鎮

王晏字瑩之洛陽人汴州富人杜氏養為子梁太祖選
富家子材勇者置帳下曰廳子晏球充廳子都指揮
使明宗拜為中書令

王彥威明經甲科識古今禮典叙元和禮上之詔定十二
州賦法

王播字名敷弟炎起俱進士播賢良方正異等三原令色

中豪強犯法不少貸進刑部侍郎大理議讞科條叢繁播立格律坐隅商處重輕吏不可私播少孤貧至居官以強濟性勤吏職簿書紛績或人不堪者播用以為樂

王起字舉之釋褐教書郎中書令諫穆宗遊畧事方旱蝗粟貴起令各得儲三拾斛斥其餘以市不然死有神策軍士怙勢不從令伏法自是詹積威出人類以生兼太常卿上訪特政賜詩武宗命典貢舉凡四舉進士大下奏凡十篇名馮宣

王龜字大年博通書傳居永達里林木幽僻構半隱亭以自適

王鏐字昆吾太原人曹王臯節度江西李希烈南侵臯與鏐兵三千屯潯陽軍金臨九江襲荊州遂以濟表鏐

江州刺史奏充河東節度使會回訖并摩尼師入朝鏐示威武悉軍迎之列五十里旗幟光明戈鎧麗密回訖不敢仰視鏐偃然受其禮上嘉之拜平章

王徽字昭文及進士第直言無隱進考功黃巢入閩僖宗西狩夜出徽被執官之不受環刃脅之不動守者急遂奔河中授吏部時銓選失序一革前弊徽曾祖擇從兄弟四易從朋從言從俱進士第鳳閣舍人者三稱鳳閣王氏大中年登科者十八人位臺省牧守者三十人徽拜宰相一日而京師亂

王求禮許州人武後瑩明堂珮飾譎恠侈而不法求禮諫曰鉄鸞金龍丹雘珠玉乃商瓊室夏瑤臺非古者茅意也三年三月大雨雪蘇味道以為瑞雪入賀求禮奏曰季春雪災也君曰雪則冬月雷亦瑞雷乎君

臣震恐武后罷朝

王琳字方慶武后授黃州都督治稱第后求義之書方慶奏義之獻之累世凡二十八人書共十篇后示羣臣詔崔融序其闕閱號寶章集后欲講武孟春方慶奏按禮記月令孟冬天子命將帥三時務農一特講武安不忘危也上策美方慶博學著書精三禮

王瑀懷州人明天文象緯才畧敏悟補諸暨縣主簿謂太子曰今太平公主專思立功左右大臣多為之用太子曰計安出瑀曰宜召張說等計之憂可也太子喜恨相知之晚自是預大政時號內相歷九刺史

王志愔博州進士遷左臺侍御史剛鷲為治號皂鵬御史著應正論以見志因箴上失曰行賞二柄惟人王所操凡數千言上嘉之授揚州長史

王丘字仲山擢童子科擢制科考功郎務覈實材謂自武后數十年來精明無如丘者遷吏部典選平允以丘守懷州所守清約

王虔休字君佐汝州人李抱真以弊招授兵馬使擢領留後號令撫循軍中大治遷昭義軍節度使撰繼天誕聖樂因上誕日以獻後來中和樂本此

王承元承宗兄弟拜刺史者四人位朝廷者四十人王處存京兆人唐黃巢陷京師處存分麾下兵二千趨山南勤王涕流軍中多其義戰愈力同李克用平京師王鐸論功曰舉義勤王處存功第一收城破賊克用

功第一

王潮光州人僖宗幸蜀時王緒劉行合郡盜據壽州光州劫朝為軍正潮審知奉母不從王緒曰吾行軍

有法無不法之軍對曰人皆有母不聞有無母之子
緒怒欲斬其母三子同辭曰事母如事將軍也殺其
母安用其子乃赦之

昭宗假潮福建觀察使招流亡建四門義學平賦歛
勸農桑人皆安業

王少玄父死亂兵遺腹生少玄十歲問父所在父母以告即
哀泣求尸時白骨盈野或曰以子血滴骨而滲入者
是少玄刺血悶旬而得父骨以葬

王希夷家貧父母喪為人牧羊取傭以葬隱嵩山師黃頤
學養生讀易老子刺史盧齊鄉問政答曰已所不欲
勿施於人

王元感濮州明經進士撰書糾謬禮繩愆春秋振滯奏上
魏知古見曰五經指南也

王紹宗字承烈好學工草隸卧被中畫腹作字兄玄宗隱
王溥字齊物并州祁人漢乾祐狀元及第拜相尚書僕射
司空年二十六歲及第年三十一拜相年四十二罷相
封祁國公父賜詩一舉登科日及親未老時歷階趨
宰輔猶卦老萊衣溥歷東宮三師二十年卒年六十
謚文康公男省郎女武功郡王妃父作六郡太守子
貽孫貽正貽孫字象賢家書萬卷博學上召問拜跪
禮對曰古詩長跪問故夫是不持男子跪拜女子亦
跪拜唐武后時女人始不跪拜唐幽州從事張建章
作渤海記言甚群趨普歎伏初周世宗討鳳翔溥
薦向拱克鳳翔上曰昔杜黃裳薦高宗文平蜀卿令
似之向拱鎮京兆思報溥問所欲溥曰長安故都前
賢篆刻高文妙筆幸見拱遣吏督匠摹打碑文深山

幽谷必到得石刻三千餘本獻溥令善書抄為琬琰
集百卷拱所遺蹊田害稼民慮再求或折為柱楚帛
砧林壑殆盡一時金石刻志之厄
楊太年談
苑

王都善角觝唐莊宗令與顧存賢角力曰勝者與節度郁
勝得盧龍軍節度使

王克正仕南唐入宋直舍人院卒無子有一女陳希夷入
弔見王氏女執爐手相甚貴太宗聞之令陳恕娶為
恕拜相封晉國公王氏封國夫人

王祐字景叔漢周舊臣入宋以之制誥使魏州太祖曰使
還與卿王溥位子及還安置華州七年不召祐曰祐
不做兒子二即必做乃手植三槐于庭曰吾子孫必
有三公者蘇軾作氏三槐堂記 祐子旦即二郎

王旦字子明及第真宗翰林學士叅政中書門下侍郎同
平章太尉侍中封魏國公卒年六十一謚文正公詔
配享宗廟仁宗篆全德元老之碑詔史臣歐陽修銘
初天禧之年薛簡肅公江淮發運使辭公無他語但
曰東南民力竭矣張士遜出江西運使辭公從容曰
朝廷摧利矣旦在相位十八年旦子素雍冲素字
儀仲官尚書謚懿敏公年六十七素子鞏字定國與
蘇軾兄弟交游質字子野旦之姪仕至待制礪土郡與
范仲淹善亦名士見言行錄

王曾字孝先青州益都鄉貢禮部廷對第一濟州通判召
試制知誥翰林學士諫議大夫叅政仁宗拜中書侍
郎同平章知青州景祐年再相判鄆州封沂國公卒
六十一謚文正公初狀元及第語劉子儀曰曾平

王珪字禹玉成都華陽人歷事神宗哲宗拜金紫光祿大夫封岐國公有文華陽集謝除端明殿學士表臣少起寒生夙陶盛化以孤童而就學承素業以傳家邁踵駿英之遊徧階華顯之序嚴扃預召自驚一紀之遷從橐無言空點兩朝之遇南國分符惟望江湖之守西清仄席詎勝朝夕之咨謝除翰林承旨表云西掖裁書空歷五春之暮北門待詔又驚一紀之餘之官床賜錦盡為新僑之人仙嶺浮鼈猶顧舊遊之客三代同風已屬漢功之茂千齡復旦維知舜德之逢臣獲事三朝行侵肆紀 王詵字晉卿功臣王全彬後見東坡集

王鞏定國蘇試云叩門但覓王居仕清詩草聖俱入妙又送其姪王震知蔡州云君歸助獻納坐繼岑與温

王安石字介甫父益臨川人歷事神宗哲宗拜

卒年六十六謚文公神宗除知江寧府召入翰林上問治何先對曰擇術為先當法堯舜臣以變風俗立法度為先設三司條令青苗免役市易保甲保馬筆法熙寧拜相薦王韶取熙河洗岷疊宥諸州上賜安石玉帶公學詩篇陶潛杜甫韓愈歐陽脩詩不喜李白謂白十句九句說酒說婦女學詩當以杜為法規矩繩墨易為工 有文集 弟安國安禮

王安國字平甫呂惠卿諂事介甫一日來訪荆公平甫方吹笛介甫曰放鄭聲平甫曰哥哥宜遠佞人公在翰林為人魁梧盛夏入直流汗沾衣劉貢父戲曰公真翰林學士安國直崇文院到海上沉芝宮及覺禁鍾已動吟曰萬頃波濤木葉飛笙簫宮殿號靈芝集

王安禮字和甫力救蘇軾烏臺詩獄事上疏薦曾鞏推賢
好善樂救急難自翰林學士知開封府元豐拜尚書
左丞資政殿學士知青州揚州蔡州舒州永興軍太
原府卒年六十二贈太師魏國公

王敬充潁川汝陰人唐永王仙芝攻汝潁刺史不能禦敬
充代刺史善鐵鎗三十斤潁川隣淮西數被秦宗權
所攻敬充力戰拒守宗權陷河南惟潁川不可下是
時所殘破惟敬充獨保潁川戶二萬梁太祖攻淮南
過潁供餉甚厚梁太祖喜表敬充沿淮指揮使梁兵
攻吳龐師古死清口敗兵亡過潁天大雪士卒飢凍
敬充沿淮燎積薪作糜粥食之多所全活梁太師表
敬充節度使

王周魏人事唐莊宗明宗有功歷刺史真州涇州節度使

涇州張彥澤政苛雲民流亡周更寬恕問民疾苦去
苛雲二十餘條流民咸歸遷武勝保義成德四鎮節
度 王權字秀山太原人唐左僕射起之曾孫舉
進士右補缺晉高祖拜吏部尚書遣奉使契丹以少
傅致仕

王仁裕字德輦天水人少事狗馬彈射年二十五始學以
文章名秦州判官唐翰林學士漢高祖拜翰林承旨
戶部尚書卒性審音律晉高祖初定雅樂宴群臣承
福殿奏黃鍾仁裕曰音肅不和聲不絕當有爭者起
已而兩軍校鬪于昇龍門外聲聞于內時皆神其審
音喜作書一夕夢神人剖其腸胃滌之西江夢中見
江中沙石如篆籀文自此文章大進有詩號西江集
知貢舉得王溥和凝范質皆至宰相 王昭正溥

長子官博士博士其子克明尚太宗女鄭國公主賜名昭永字季長除右衛將軍駙馬都尉仁宗擢知鄆州築東西道三十餘里以免民病涉慶曆六年同平章封遂國公卒謚康靖

王審琦字仲寶河南人仕周太祖攻拔舒州遷睦州防禦使歸宋討李重進鎮忠正八年從征太原攻鎮許州同平章卒

王景萊州人仕梁入唐橫海軍節度使宋封太原郡王鳳翔節度使卒追封岐王謚曰元靖性謙退下士每朝廷使命至小官亦送迎過禮左右王位崇不宜自損抑太過景曰重君命也朝廷遣吏部尚書張昭至景加禮曰景在行五色知張尚書名今使我是朝廷重我也

王晏徐州滕人家世農夫應募禁軍漢祖授節度使仕周改鎮武寧封滕國公 宋改封韓國公

王彥超字德昇大名臨清人仕周武寧軍節度使移鎮永興鳳翔宋如中書令太祖與宴射于作坊酒酣曰卿昔在復州朕往依卿何不納我對曰蹄涔之不足安神龍不留滯於小郡者天也上大笑拜金吾衛上將軍與李昉宋白厚善問大夫七十致仕出何書昉曰禮經彥超曰我前朝舊臣年六九可安貪祿昧廉耻託草致仕表一再上以太保致仕給上將軍俸每白衣出入訪故舊之家無童騎相隨太平興國年封邠國公

王全斌太原人父岢嵐使蕃武仕唐莊宗疑而召懼不敢行全斌年十二曰上疑有異志若以全斌為質則

釋矣因隸下帳歷晉漢周以軍功至相州留後宋安國軍節度使鎮忠武代蜀將行營出鳳州克利州語諸將劔門天險古稱一夫當關萬夫莫開各陳進取之策冷偏將史延德分兵趨來蘇造浮梁于江上蜀兵守劔閣者見梁成棄砦道遂克劔州至蜀隆冬京師大雪太祖遣使賜全斌裘帽蜀民訴其掎克謫官上郊祀洛陽召復節度使至鎮卒

王仁贍字子豐唐州人劉詞薦其材官至樞密代蜀監前軍

王化基字永圖真定人及進士第通判官州知嵐州淮南節度判官著作左拾遺上疏自薦太宗召試知制誥除御史中丞至道三年召拜參政卒謚惠獻公

王欽若字定國臨江新喻人祖郁官鄂州因大水徙黃鶴

樓上漢陽望見樓上火光燭天是夕生欽若進士甲科授亳州推官大常丞奏除乾德至咸平通欠千餘萬釋繫囚三千餘人真宗澶淵之役欽若謂冠準以上為孤注言博者輸則盡出所有博之名曰孤注啓上封禪泰山啓天瑞天書之事杜鎬河出圖洛山書聖人以神道設教於是天書降于左承天闕大中祥符封泰山天聖元年拜司空平章封冀國公謚文穆加號魏國公

王雱字元澤荆公子登治平進士第調星子尉熙寧拜天章待制文章父子齊名太學范鏗詩云文章双孔子術業两周公雱卒安石乃罷相歸金陵

王汾口吃與劉貢父同朝相戲汾曰紫微殿下頰呼汝汾荅曰寒食原頭多見君貢父又譏其口吃曰恐是昌

家又疑非類下見雄名但聞文氣周昌韓非揚雄鄧
艾四人皆口吃 王知遠台州道士得異書知人
生死作易經千五百卷一日大雷電光中見人叱曰
玉帝命我攝六丁雷電追取上方禁文又見六人金
甲取書去曰金科祕藏玄都汝何得留之細帙知遠
云青丘老人所授

王牧往謁吉州叔父王使君唐李家祐贈書曰細草綠汀
州王孫耐薄遊年華初冠帶文體舊子表野渡花爭
發春塘水亂流使君憐小阮應念倚門愁

王播少貧客揚州木蘭寺僧厭之二紀 揚州寺僧以碧
紗籠其舊題播又題云二十年前此寺遊木蘭花發
院新脩而今再到經行處樹老無花僧白頭上堂已
了各西東慚愧闍黎飯後鐘二十年前塵撲面而今

方得碧紗籠

王十朋字龜齡温州人紹興狀元紹興府簽判知泉州以
詩宴七邑宰云九重霄旰愛民深令尹宜同撫字心
今日黃鐘一杯酒殷勤端為庶民斟擢御史劾丞相
史浩諸專用張浚十朋有文梅溪集朱文公為序
宋

王縉字晦叔河南人咸平賢良方正登科樞密直學士知
益州給事中冠準女壻準同貶仁宗召為御史中丞
工部侍郎叅政樞使拜平章謚文康公知益州賊盜
無輕重殺歷真宗仁宗英宗避 諱改名同隋王績
裔知益州蜀以比張詠民歌曰蜀守之良前張後
王惠我亦子人無流亡

王駿字總之趙州人館王化基之門宋湜見而妻以女及

進士第歷官知益州戍卒夜焚營反驍遣兵圍營令
曰不反歛手做伏出門不問於是衆皆放伏歛手
出命將自棟叛者十餘人斬之及明日無知之者拜
參政卒謚中穆公

王博文字仲明曹州人應開封府舉進士以迴文詩百首
投試特稱王迴文召試遷殿中侍御史拜樞密同知
卒

王隨字子正河陽進士遷京西轉運使隨父母居洛中京
西所部真宗賜詩寵其行又賜羊酒束帛令過家
奉親景祐中拜相卒謚章惠公

王德用字元輔父超將兵代李維出綏夏州德用年十七
為先鋒破賊于鐵門関以精兵五千轉戰三日歛敵
以功授内班直仁宗時步軍指揮使蘇紳奏其宅枕

乾岡貌類藝祖御史中丞孔道輔又奏之德用上表
曰宅枕乾岡朝廷所賜貌類藝祖父母所生知曹州
相州同中書門下平章事封冀國公卒年七
十九謚武恭公歷太宗真宗仁宗三朝

王克臣字伯庸應天府人進士甲科元昊反西北兵起除
沿邊安撫使奏関中民力周弊宜勞來安集除三司
使因内都知張永和建議歛收民間房錢助軍克臣
言於仁宗曰此唐德所以致朱泚亂者也夔州路漕
臣請鹽井歲課十餘萬緡事下三司克臣奏上恩未
嘗及遠人而反浚取厚利歛怨嘉祐中拜參政卒謚

文安公弟純臣 王拱辰字君貺開封咸平人元
名拱壽年十九進士狀元仁宗賜名拱辰除監丞通
判懷州直集賢院知太常禮院宣徽南院使北京留

守卒謚懿恪劉摯作墓誌洛陽耆英會以詩願與名
其詩四十三韻

王巖叟字彥霖大明府人明經進士韓琦留守北京辟為
屬韓絳代琦留之謝曰巖叟魏公之客不願出他門
元豐召拜監察御史奏時政之弊拜侍御史奏補諫
官宣仁皇后曰知卿材故不次用巖叟謝曰聽政納
諫如流朝廷清明願信之勿疑則宗社萬世福也除
知鄭州移河陽卒

王昭素開封酸棗人篤學有志行鄉人有訟不官而詣
昭素辨析皆敬伏博通九經著易論三十三篇太祖
召講易因問治國養身對曰治世在愛民養身在寡
欲太祖書于屏風拜國子博士

王奇字漢謀贛人為李文定公客李夢于位章聖臨奠見
屏上詩云鴈聲不到歌數上秋色偏欺客路中召對
稱上旨特賜殿試及第謝上曰不拜春官為座主親
依天子作門生入館閣拜御史

王倫字正道三槐王氏祖端父毅家貧推牛酤酒與孫仲
益布衣交仲益官中都靖康宰相李士美罷相歸第
倫日掃門事之會上召士美入議事倫隨至殿下自
陳曰臣故宰相王旦孫有致君澤民之學宣和間奏
書言大遼不可滅女貞不可盟果如臣言今圍城既
急臣願募死生數萬願上侍上皇挾諸王奪萬勝門
決圍南幸欽宗忠之解所佩國寶劍賜之以片紙御
批云王倫事成日除尚書兵部侍郎倫拜賜翼日
再對已得豪俠萬餘願效死幸上勿疑時宰相和文
縝主和議斥倫曰汝何人敢至此倫怒髮衝冠曰尔

何人乃至此萬一天子象塵誅相公百輩何益文績
怒請上誅狂生上意未決倫求計仲益仲益曰昨拜
賜小戎文字御批在足矣但立從班中衛士誰敢訶
安有無故就殿上擒一侍郎之理倫入侍臣班明日
文績畫旨送御史府倫已間出都門矣二聖北行高
宗即位倫上書自陳乞奉使北庭問二聖起居自布
衣拜五品借侍從以行制詞畧云胃出公侯資燕知
勇朕方俯同晉國命魏絳以和戎汝其遠慕侯生御
太公而歸漢經年始還及徽宗凶問至起倫拜龍圖
閣學充梓宮奉迎使凡三四往返金人欲官之百拜
遂殺褒恤優厚中興姓氏錄云紹興十四年金人以
倫授河北轉運使倫不受曰王倫奉使而來非降也
使命逼之不已倫自謚朝廷其子述朝請大夫直祕

閣知廬州能因北人訪其尸歸其骨焉

王欽臣字仲至元祐年工部侍郎 王家小字南陔襄敏公
韶幼子第十三神宗朝上元觀燈家步出南陔方
能言殊帽寶粧憑肩至宣德門被人攫去家人失其
所之騎從驚駭舉家不敢言父韶曰他兒必尋訪若
吾十三必能自能居旬日大內有犢車至王家宣旨
送還家人驚喜迎拜內旨詔言既畢共問南陔所之
乃知是夕惡少年自宅弟出門跡其後以果餌至鬧
市攫去南陔覺負已為異人即自持殊帽手攀官車
於東華門牽翠幃大聲叫娘娘車中貴人喜接抱車
中翼且抱見上前以為宜男祥問誰氏即對王韶幼
子上見古對不凡密詔開封府捕盜誅之然後命載
還王氏家詔以具獄示襄敏公 六宮分賜壓驚

金錢賞賜鉅萬其幼小警敏能援上免害如此岳珂
抄史

王欲字稚川娶林氏元豐初年調官京師寓家昇州親年
九十餘釋川嘗聞貴人家歌舞醉歸書旅印曰鴈外
無書為客久蛰邊有夢到家多畫堂玉珮紫雲響不
及桃源疑乃歌山谷戲代林夫人歎乃歌從師學道
魚千里蓋世成功忝一炊 王德通遠軍從劉光世
自陝西勤王前軍都統累立戰功加同州觀察使清
遠軍節度使膽畧善謀雄勇無敵軍中稱王夜叉
王渙禮部侍郎致仕年九十至和丙申杜衍睢陽五老會
錢明序逸杜衍年八十五渙年九十畢世長年九十
四朱貫年八十八馮平年八十七各賦詩渙詩曰分
曹歸政養耆年李下何由更正冠賢相賦詩同笑傲

聖君優詔許盤桓眉老叟俱稱壽凌雲橋松豈畏
寒屈指五人齊五福邦人應作二疏看

王尚恭字安之朝議大夫年七十六王慎言字不疑朝議
大夫年七十二王拱辰字君貺宣暉南院使檢校太
尉判大名府北京留守年七十一同富弼文彦博司
馬光洛陽耆英會豐元五年王尚恭詩端朝宿望兩
台星圭組參差又十人八百喬年餘總數一千熙運
遇良辰王慎言詩相印貂冠粲六符華嶺高會侍臣
俱不將官職誇鄉里惟尚書年入畫圖王拱辰詩四
十五韻西都山水天下奇神嵩景室環清伊甫申間
氣秀不絕生賢會聖昌明時衣冠占數盛文雅台符
卿月光離、公當綬帶各三鎮懸翼繼軫承保釐三
公位極固遼隔五年以長猶肩隨宦遊出處五十載

馮臺驥路俱騰夷公今復主鳳門鑰僕亦再撫銅臺
圻二京相望阻河廣三徑不得倍遊嬉

王烈女傳

良 峯 董 更 生 叔 向 撰

烈女姓王氏慶元名家女年未髻齒偕兄人美試童子科
召入禁中試辭翰不習而能宮中曰女神童理宗臨
御賈妃生端孝公主未有皇嗣上思宗社計取福王
子封建國公神童伴讀忠王出宮神童侍讀掌詞翰
甲子忠王立凡大臣章奏皆先啓達御震翰批荅視
草進呈稱女學士專典詞翰全后生幼君揚美人生
廣王益王而烈女貞姿玉潔懿德蘭清甲戌立幼君
內幼君外權臣十二月兵渡江鄂守張宴然先降夏
貴戰揚羅堡次子夏松中流矢死貴保廬州而陳奕
以黃州降錢貞孫同僚師夔以九江降范文虎以安慶

新城降度宗梓宮過浙江似道開督府以十六萬駐
金陵舟師泊龍灣以愛將孫虎臣先鋒至魯港遣使
請和邀夏貴於廬州北不許和孫虎臣逃歸夏貴
至會舟中議事貴令軍中喏三聲一齊衆二謝支搗
三應平章指揮及鳴折諸軍無第三喏於是夏貴歸
廬州賈似道孫虎臣走維揚制置使李庭芝待以相
臣禮時乙亥二月也伯顏兵入金陵遣將取鎮江取
瓜州取毘陵取寧國南方所守山險惟獨松嶺水路
吳門陳宜中奏太后詔諸路勤王江西提刑文天祥
義士三萬人衛人心粗安 兵已入江平留夢炎以
小簡漏師謂文兵烏合不足畏 岳知虛實乃遣三
百騎至都下取降書賣降納土者紛紛遺臭簡書獨
長沙帥衡陽李希巷戰力竭焚香拜天全家赴烈焱

死池州通守蜀人趙邗發大書曰城不可保臣不可
降夫婦經死忠義一雙饒州守臣唐震湖州守臣番
易趙良淳見危授命常州守臣劉師勇全家死鄆
師勇又自常州穴圍出與廣帥仇子真提兵俱入衛京
師不知所終相臣則陳宜中海上文天祥不屈節死
文臣廣信謝枋得不食死武臣則張世傑自湖右提
兵勤王死海上揚州帳前都統姜才至死罵不絕口
與閩臣李廷芝死守甘受屠戮不降其餘未有聞焉
孰謂一烈女而能固其節乎初京師陷伯顏欲取之
烈女正色曰旣為降人相公安得私取至丙子四月
從太后幼君入燕將納諸後宮奏曰妾冒塵沙萬里
遠來今病不足以充下陳乞尋醫居數月又將納焉
即賦詩曰獵獵塵沙浣玉顏卷隨戎馬到燕山崇陽

舉眼煙霞裡大慶回頭草莽間家破只因扶幼主國
亡都為用權姦君王若欲垂鴛帳誓有剛寬去不還
自經死詩存人亡朝廷議之棺斂葬焉世稱烈女

